

Prilog 1

SMART BALKANS: Civilno društvo za povezan Zapadni Balkan

Smjernice za grant Nacionalne intervencije

Referenca poziva: SB BiH NI 01/22
Rok za podnošenje prijave 15.02. 2023 do 23:59 h

Pozadina

Albanija, Bosna i Hercegovina, Crna Gora, Kosovo, Sjeverna Makedonija i Srbija kao države korisnice projekta SMART Balkan formiraju geografsku regiju u kojoj su one politički, društveno, kulturno i historijski povezane.

Oснаživanje kapaciteta organizacij civilnog društva (OCD) u regiji, kroz poboljšanu saradnju između civilnog društva i vlasti te kroz izgradnju regionalnog partnerstva na svim nivoima da bi se povećao uticaj građana u procesu donošenja odluka, doprinijet će potrebnoj promjeni za kreiranjem inkluzivnih zajednica na Zapadnom Balkanu a što će u konačnici promovisati održivi razvoj njihovih društava¹. Učešće civilnog društva u procesu razvoja politika je jedan od najvažnijih osobina euroatlanskih integracija regije. Imajući u vidu da EU integracije nisu samo individualni cilj svake države korisnice, nego cijele regije, ovaj projekat teži ka olakšavanju saradnje i umrežavanju na putu ka ostvarivanju pomenutog cilja. Za ovu potrebu, SMART Balkan je kreirao regionalnu shemu granta, kroz kreiranje regionalnih mreža ali će se partnerstva naglašavati gdje je god to moguće.

Ciljevi

Opšti cilj projekta SMART Balkan je da doprinese jačanju participativnih demokratija i euroatlanskih integracija na Zapadnom Balkanu kroz osnaživanje organizacija civilnog društva i mreža organizacija civilnog društva (OCD) za snažniju i i aktivniju ulogu u stvaranju mirnih i inkluzivnih društava za održivi razvoj u Albaniji, Bosni i Hercegovini, Kosovu, Crnoj Gori, Sjevernoj Makedoniji i Srbiji.

Specifični ciljevi projekta SMART Balkan su:

- Snažnije, održivije i dinamičnije OCD u šest zemalja regije Zapadnog Balkana

¹ U skladu sa implementacijom 16. cilja održivog razvoja: Promovisanje miroljubivih i inkluzivnijih društava za održivi razvoj, osiguranje prisupa pravdi za sve i izgradnja učinkovitih i odgovornih institucija na svim nivoima.

- Razvijena snažna regionalna partnerstva između organizacija civilnog društva sa Zapadnog Balkana sa njihovim kolegama u EU
- Povećana efikasnost uticaja građana i građanki na promjene kroz OCD koje promovišu sigurnost i stabilnost i upravljanje u regiji Zapadnog Balkana
- Povećana svijest javnosti o važnosti aktivnog učešća civilnog društva u značajnim razvojnim inicijativama u regiji Zapadnog Balkana

Područja

Grantovi za Nacionalne intervencije su mehanizam za finansiranje nacionalnih projekata vezanih za sigurnost i stabilnost i upravljanje. Projektni finansirani u okviru nacionalnih intervencija trebaju biti bazirani na relevantnim strategijama/ili politikama, doprinoseći njihovim ciljevima.

Dok će vrstu aktivnosti za podršku gore navedenim prioritetnim oblastima predložiti aplikant, sljedeća lista navodi neke od prijedloga oblasti djelovanja koje mogu biti obuhvaćene projektima:

Sigurnost i stabilnost:

- Borba protiv radikalizacije
- Dezinformacije kao sigurnosne prijetnje
- Borba protiv trgovine oružjem
- Borba protiv trgovine ljudima
- Cyber kriminal kao destabilizator sigurnosti
- Borba protiv organiziranog kriminala
- Prevencija pranja novca
- Borba protiv terorizma
- Uticaj klimatskih promjena na sigurnost i stabilnost u regionu
- Energetska sigurnost
- Spremnost na vanredne situacije
- Interkulturalni dijalog
- Socijalna kohezija, pomirenje i mir
- Sigurnost ljudi (fizička zaštita integriteta osoba)
- Rodna ravnopravnost
- Cyber sigurnost
- Zaštita podataka

- Nadgledanje sigurnosnih institucija/ praćenje implementacije politike sigurnosti i stabilnosti

Upravljanje

- Promocija digitalne pismenosti
- Sloboda izražavanja
- Učešće civilnog društva u procesu donošenja odluka
- Borba protiv lažnih vijesti
- Euroatlantske integracije
- Digitalizacija
- Reforma javne uprave
- Borba protiv *sive* ekonomije
- Borba protiv korupcije, uključujući korupciju na visokom nivou

Vremenski okvir za implementaciju projekta

Trajanje podržane inicijative će biti od **12 do 18 mjeseci**.

Proces selekcije koncepata projekata primljenih u okviru ovog Poziva za podnošenje prijave je planiran da bude završen do kraja marta 2023. godine a cijeli proces će biti završen do kraja maja 2023. godine. Početak odobrenih projekata je planiran za juni 2023. godine. SMART Balkan zadržava pravo da promijeni vremenski okvir procesa aplikacije, obzirom da period evaluacije može varirati u ovisnosti od broja primljenih aplikacija.

Finansijski okvir

U okviru ovog poziva, SMART Balkan će podržati najmanje devet projekata u Bosni i Hercegovini sa dodijeljenim iznosom granta od 306,000 do 543,000 NOK (29,800 - 53,000 EUR) po projektu.

Finansijsko učešće aplikanta nije traženo ali je dozvoljeno.

Prihvatljivi i neprihvatljivi troškovi

Prihvatljivi troškovi za finansiranje su:

- Općenito prihvatljivi troškovi koji su u skladu sa principima dobrog finansijskog upravljanja (principi ekonomičnosti, efikasnosti i efektivnosti)
- Razumni i prihvatljivi prema odobrenom budžetu
- Direktno povezani sa projektnim aktivnostima
- Predstavljani i podržani validnom dokumentacijom koja jasno pokazuje prirodu troškova
- Nastali tokom projekta, od datuma početka do datuma kraja navedenim u ugovoru

Neprihvatljivi troškovi su:

- Dugovi i troškovi servisiranja duga
- Troškovi nejasne namjene (“rezerva”)
- Kupovina zemljišta, zgrada ili vozila
- Troškovi profitabilnih aktivnosti
- Aktivnosti već finansirane kroz druge grantove
- Troškovi nastali prije potpisivanja ugovora ili nakon završetka projekta
- Krediti trećim stranama
- Bilo koji drugi neprihvatljivi trošak definisan u ugovoru o dodjeli granta

Prihvatljive aktivnosti

Ovo je lista nekih od vrsta aktivnosti koje su prihvatljive za ovu vrstu projekata (moguće su i druge vrste aktivnosti, po prijedlogu aplikanta):

- Kampanje zagovaranja koje uključuju promotivne i druge materijale i aktivnosti (npr. *policy brief*, istraživanje, video, događaj, performans, medijski proizvodi, angažovanje influensera/ica, isključujući printani promotivni materijal)
- Radne grupe za uspostavu mehanizama i/ili razvoj akcionih planova, strategija, procedura i slično u kojima su angažovani eksperti/ce,

Prihvatljivost aplikanata

**Aplikanti moraju biti registrovani² na Grants Management Platformi–
<https://gmp.smartbalkansproject.org/>**

Da li bili prihvatljivi za grant, aplikant mora:

- Biti pravno lice i
- Biti neprofitna organizacija i
- Biti organizacija civilnog društva³, koja radi na jednoj ili više tematskih područja relevantnih ovom Pozivu za podnošenje prijave isključujući političke, *faith-based* organizacije i religijske organizacije kao i lokalne granse međunarodnih organizacija i

²Proces registracije nije automatski i može trajati nekoliko dana. Preporučeno je da se započne sa registracijom minimalno 10 dana prije roka.

³Organizacije civilnog društva, asocijacije i fondacije registrovane u Bosni i Hercegovini u skladu sa sljedećim zakonima:

- a) Zakon o udruženjima i fondacijama BiH
- b) Zakon o udruženjima i fondacijama FBiH

- Biti osnovane u BiH i
- Biti direktno odgovorne za pripremu i upravljanje projektom, da nisu posrednici

Pravna lica i pojedinci koji se nalaze na Konsolidovanom spisku osoba, grupa i subjekata EU koji podliježu finansijskim sankcijama EU (www.sanctionmaps.eu), Ureda za kontrolu strane imovine ("OFAC") <https://sanctionssearch.ofac.treas.gov/>, Ministarstva finansija SAD-a i na Spisku sankcija Ujedinjenog Kraljevstva <https://docs.fcdo.gov.uk/docs/UK-Sanctions-List.html> **nisu kvalifikovani** da se prijave na ovaj poziv.

PROCES PRIJAVE

Da bi se podržao visok kvalitet prijava i optimizirao proces selekcije, proces aplikacije za grantove Nacionalne intervencije će imati dva koraka:

- 1) Korak odobravanja koncepta projekta – baziran na Konceptu projekta sa kratkim opisom predloženog projekta. Tim evaluatora/ica i Selekciona komisija će uraditi evaluaciju konceptata projekata, u skladu sa kriterijima datim u Smjernicama. Rezultat ovog koraka je uža lista aplikanata koji će biti pozvani da dostave potpunu aplikaciju za grant Nacionalnih intervencija. Broj aplikacija na užoj listi odabranih konceptata projekata treba biti najmanje dva puta veći od broja aplikacija koje će biti podržane grantovima.
- 2) Korak odobravanja potpune aplikacije – dostavljene potpune aplikacije će pregledati i evaluirati neovisni evaluatori/ce. Nakon evaluacije potpune aplikacije, Selekciona komisija će odlučiti o dobitnicima granta.

Broj aplikacija i grantova po aplikantu

Aplikant **ne može** podnijeti više od **jedne** aplikacije u okviru ovog Poziva za podnošenje prijava

LISTA TRAŽENIH DOKUMENATA ZA PRIJAVU KONCEPTA PROJEKTA

- Koncept projekta (Prilog 2)

DOSTAVLJANJE KONCEPTA PROJEKTA

Koncepti trebaju biti dostavljeni online putem Grants Management Platforme(GMP) <https://gmp.smartbalkansproject.org> najkasnije do 15.02.2023. do 23:59.

-
- c) Zakon o udruženjima i fondacijama RS
 - d) Zakon o mladima

Napomena: Aplikanti trebaju biti registrovani na Grants Management Platformi **prije** dostavljanja dokumenata aplikacije.

Pitanja vezana za ovaj poziv mogu biti poslana na e-mail (grants1@smartbalkansproject.org) prije roka navedenog u vremenskom okviru.

Online info sesija je planirana za 18.01.2023. u 13:00. Link za prijavu na info sesiju: <https://forms.office.com/e/d8TYiWgFdZ>

Odgovori na sva pitanja će biti objavljeni na GMP, ne kasnije od 10 dana prije roka za dostavljanje koncepata.

VREMENSKI OKVIR JAVNOG POZIVA

Kalendar poziva za dostavljanje prijava	Rok
Objavljen poziv na dostavljanje koncepata projekata za Nacionalne intervencije	30.12.2022.
Info sesija	18.01.2023.
Pitanja vezana za Poziv za dostavljanje prijava	25.01.2023.
Odgovori na pitanja vezana za Poziv za dostavljanje prijava objavljeni na GMP	03.02.2023.
Dostavljanje koncepta projekta	15.02.2023.
Poziv uspješnim aplikantima da dostave potpune aplikacije	31.03. 2023.
Dostavljanje potpune aplikacije*	27.04. 2023.
Objavljivanje rezultata izbora potpunih aplikacija*	18.05 2023.
Potpisivanje ugovora o dodjeli granta*	31.05. 2023.

**Okvirni plan*

KRITERIJ ZA EVALUACIJU KONCEPATA PROJEKATA

Kao dio administrativne evaluacije, CPCD zadržava pravo da verifikuje informacije i dokumente dostavljene od strane aplikanta, sa autoriziranim institucijama takvih usluga ili državnim institucijama.

Koncepti će biti evaluirani prema kriterijima navedenim ispod.

Koncepti će dobiti maksimalan ukupni zbir od 40 poena koristeći kriterije navedene u evaluacijskoj tabeli ispod.

Tabela evaluacije je podijeljen u naslove i podnaslove. Svaki podnaslov će dobiti ocjenu od 1 do 5 i to: 1 = vrlo loše; 2 = loše; 3 = dovoljno; 4 = dobro; 5 = vrlo dobro.

KRITERIJ	ZBIR	
1. Relevantnost projekta	zbir	20
1.1 Koliko je relevantan prijedlog ciljevima i prioritetima poziva za podnošenje prijava? Koliko je prijedlog relevantan specifičnim temama/sektorima/područjima ili bilo kojim drugim specifičnim zahtjevima i smjernicama navedenim u smjernicama za aplikante? Da li su očekivani rezultati projekta u skladu sa očekivanim rezultatima definisanim u smjernicama za aplikante?	5	
1.2 Koliko je relevantan prijedlog posebnim potrebama i ograničenjima ciljanog regiona i/ili relevantnih sektora? Da li postoje neki aspekti dodatne vrijednosti i sinergije sa drugim sličnim inicijativama i koji su napori da se izbjegne dupliciranje? Da li je prijedlog baziran na relevantnim državnim/entitetskim ili kantonalnim strateškim dokumentima?	5	
1.3 Da li su konačni korisnici i ciljne grupe izabrani strateški i jasno definisani? Da li su njihove potrebe (kao nosioci prava ili nosioci dužnosti) i ograničenja jasno definisani i da li prijedlog njih adresira na odgovarajući način?	5	
1.4 Da li prijedlog sadržava posebne elemente dodatne vrijednosti (npr. Inovacija, najbolje prakse, konstruktivno partnerstvo sa vlastima, relevantnim tijelima; promocija rodne jednakosti i jednakih prilika, potrebe marginalizirane populacije, zaštita okoliša)? Ili ima neka druga unakrsno povezana pitanja/oblasti koje donose dodatnu vrijednost?	5	
2. Dizajn projekta	Pod-zbir	20
2.1 Koliko je koherentan cjelokupni dizajn projekta?	5x2*	

KRITERIJ	ZBIR	
Da li prijedlog navodi očekivane rezultate koji će biti ostvareni kroz projekat? Da li logika intervencije objašnjava ubjedljivo kako će očekivani rezultati biti ostvareni?		
2.2 Da li dizajn odražava analizu uključenih problema i kapacitete relevantnih zainteresiranih strana?	5	
2.3 Da li dizajn razmatra i vanjske faktore (rizike i pretpostavke) i uključuje planove za prilagođavanje takvim rizicima koji se materijaliziraju, ili ako pretpostavke nisu ispunjene?	5	
UKUPNI ZBIR		40

**Dupli bodovi*

Samo koncepti sa zbirom od minimalno 20 poena će biti razmatrane za pred-selekciju.

Broj aplikanata koji će biti pozvani za dostave potpune projektne aplikacije može biti najmanje dva puta veći od broja grantova koje će program dodijeliti (uzimajući u obzir da ukupna vrijednost dodijeljenih sredstava ne može prevazići planiranu vrijednost za ovaj tip granta). Uža lista za potpune aplikacije će biti bazirana na rangiranju koncepata koje će obaviti evaluatori i Selekciona komisija.

POZIV USPJEŠNIM APLIKANTIMA DA DOSTAVE POTPUNU APLIKACIJU

Bazirano na evaluaciji primljenih koncepata projekata za grant nacionalnih intervencija i odluke Selekcione komisije, aplikanti koji uđu u uži izbor će biti pozvani da dostave potpuni prijedlog projekta.